


تاریخ وادستان

۱۳۳۶ هـ



بىكون بىلنير قىستى مجموعه مك اما
پك چوق آرا لير اورته ده مجموعه بولنيز

ايتدك شرف خدمت اجدادى وراموش
آثارنه اسلافرك رغبت اولنيز

- ۱۸ کوزل طغراسی وار سلطان ابراهیم ذی شانک
- ۱۹ محمد خان رابع یازدی طغرا اوسته خطی
- ۲۰ سلیمان خان ثانی نیک بودر طغرای زرینی
- ۲۱ ایکنجی حضرت خان احمدک طغرای رخشانی
- ۲۲ ایکنجی مصطفی خانک بودر طغرای فرمانی
- ۲۳ اوچنجی حضرت سلطان احمد یازدی طغرای
- ۲۴ محمود خان اولک طغرا یاننده خطیدر
- ۲۵ اوچنجی حضرت عثمان خانک خط و طغراسی
- ۲۶ اوچنجی مصطفی خانک بودر طغرای تابانی
- ۲۷ حضرت سلطان حمید اولک طغراسیدر
- ۲۸ اوچنجی حضرت سلطان سلیمک خط و طغراسی
- ۲۹ بودر طغرای زیب افزاسی رابع مصطفی خانک
- ۳۰ ایکنجی حضرت محمود خانک عالی طغراسی
- ۳۱ حضرت سلطان مجیدک خط ایله طغراسیدر
- ۳۲ حضرت سلطان عزیزک محشم طغراسیدر
- ۳۳ حضرت سلطان مراد خامسک طغراسیدر
- ۳۴ حضرت سلطان حمیدک دلکشا طغراسیدر
- ۳۵ بو طغرا زیب فرمان محمد خان خامسدر
- ۳۶ بو طغرای وحیدالدین محمد خان سادسدر

[ذیل]

طغرا لر حقنده بیان معلومات ایده جک ارباب وقوف ایچون مجموعه هنرک صحیفه لری کشاده در .



مخرم «پیام صباح» غنیه سنک ۱۱۰۳۰ نومرو و ۲ اغستوس ۱۳۳۶ تاریخلی نسخه سنک «پیام ایام» ستوننده شو عبارتیه محرردر :

« دیاربکرلی سعید پاشا که نظیفک پدری ایدی ، بر کره دهاسویلد مدی . ولی خصلت برپیر ایدی . بزهنوز برر « طفل ابجد خوان » دکلسه کده همان علماً عرفاناً اودرجه تهی دست ایکن او « مرآت العبر » عنوانیه احمد مدحتک « کائنات » ی کبی جهانشمول بر تاریخ نشر ایلردی .

اسكى يولده فقط بك صاف بك خوش آينده شعرلرده سويلردى .
بركره :

دست اعدادن صوغوق صو ايچمه قاندرمن سنى
ديه باشلادىنى برشمسه شو نقرانى بولمىدى :
مستقيم اول حضرت الله اوتانديرمن سنى
اوزمان ديللرده دون :

استقامت محض جنتدر بوملك وملته

فسق معروفه قارشى اوك سوز بويوك، بر بويوك تضاد تشكىل ايليردى .
ضيا پاشان بيك كره زياده سعيد پاشانك حقى وار ، بالخاصه حقوق .
عباد ، بيت المال نقطه نظرندن بوملكتك ك زياده محتاج اولدىنى استقامتدر .
بوفقير ، بومحتاج ملتك بوكون براچقه سنه ال صونمق حرامك ال غليظنى ،
سرتك ك فجيعنى ارتكاب ايلكدردر . بيكرجه ، يوز بيكر فقرائى ناس
دوللريله يتيملريله اوجزئى پاره يه محتاجدرلر . عندمده (تونل) ك ،
(ترامواى) ك اومعروف يان كسيچيلرى دكل ، حتى قطاع طريق بيله
اموال خزينه يه هر نه صورتله اولورسه اولسون اهانت و خيانت ايدنلره
بيك كره مرعجدرلر .

چونكه او برلرينك ضررى بر ويا بر قاچ شخصه در ، بريكيلر ك فنانلى
ايسه قوص قوجه بر ملته در .

على كمال بك افندى شوعبارده ده بيان بيورد قلرى ديار بكرلى سعيد
پاشا مرحوم ايله سنه لرله برلكده بولشمش ايدم . ضيا پاشا مرحوم ايله
كرچه ملاقى اولمامش ايسه مده بن عابدين پاشا ايله سيواسده بولنديغم
صرمه ده اطنه واليلككند ۱۲۹۷ سنه سنده وفات ايتمىدى . غزته لرده
وفاتى كورمكلكم اوزرينه ، فوت ضيا ۱۲۹۷ ، تعميرى خاطر بيمه كمش ،
تاريخ وفاتى نسيان ايتديرميه جك درجه ده ساده بر تاريخ وفات اولمىدى .
اما نامق كمال بك مرحومك تاريخ وفاتى اولان ۱۳۰۶ سنه سنده .

قیرشهری سنجانی محاسبه جیلکنده بولئورددم. بری رومی دیکری عربی
سنه لرینه مصادف اولمق اوزره ایکی تاریخ انشاد ایتشدیم [۱]

[۱] مذکور تاریخ شودر :

آغلاسون دنیا که اول خورشید آفاق کمال
خوابگاهن ابتدی آخر منزل برج زوال
آغلاسون عالم که اول عنقای قاف معرفت
آشیان باغ علیینه آجدی پرو بال

کاشانه قدرت کبراسنی اظهار اینچون
حضرت فیاض کل خلق ایلشدی برکمال
دستنه لوح و قلم آلدجه ایلردی مجوم
مہبط افکارینه اسرار فیض ذوالجلال

بدر ایدی آفاق رومه فضله نسبت ایله
برج فارسده کمال اصفهانی برهلال

جوش ایلردی باد افکاريله دریای هنر
موج اورردی مشربنده آب فیض لایزال

رازدان عالم اسرار ایدی هر نامه سنی
ترجمان غیب ایدی اول خامه فیض اشمال
رنک آلیر اندیشه سندن غنچه باغ ادب
برق اورر آینه طبعنده نور ارتجال

اهتراز خامه سی جمعیت معنایه شور
قهرمان طبی غارتبخش مضمون ومأل
روسیاه اولسون قلم ، دوکسون مرکب خون دل
اول ادیب نامور دنیادن ابتدی ارتحال

عفو قبل ذنب و خطا سین یا آلہ العالمین
مہرقد و شمع رده یارب چکسون خوف و ہلاک
لوح محفوظ اوزره بو تاریخی یازسون جبرئیل
نور ایدی لاهوته اولدی منقلب روح کمال

سنه ۱۳۰۶ عربی

اعمل رومه سال رومیدن ده اولسون یادکار
نور ایدی لاهوته پرواز ایلدی روح کمال
سنه ۱۳۰۵ رومی

عابدین پاشا مرحوم ۱۲۹۷ سنه سنده دیاربکر ، معموره العزیز ، سیواس ولایتلری اصلاحات قومیسر لکندن و سیواس والیلکندن تجرید ایدیلهرک سلائییک والیلکنه تعین اولمش و مرحوم پاشا حضرتلرینک واقع اولان آرزوی نصایحکارانه لری اوزرینه بو عبد حقیرده هیئت اصلاحیه کتابتنی ترک ایدرک پاشا حضرتلریله برلکده سلائییکه عزیمت ایلشدم . ایکی ماه صکره عابدین پاشا رتبه سامیه وزارتله خارجیه ناظری اولمش و عبد عاجز بو تاریخی انشاد ایلشدم :

مشیر خارجیه اولدی عادل عابدین پاشا سنه ۱۲۹۷

پاشانک خارجیه نظارتی آنجق برقاچ ماه دوام ایلدی ؛ ۱۲۹۸ سنه سی اوائلنده اطنه والیلکنه تعین اولندی ، پاشای مشارالیه حضرتلریله اطنه یه کیتدم . و او ولایتده بش سنه دن زیاده امرار اوقات ایلدیکم جهنله ضیا پاشا مرحومکده دیاربکرلی سعید پاشا قدر هر حال و مسلکنه کسب وقوف ایلدم . بنساء علیه ادیب محترم علی کمال بک افندی حضرتلرینک سعید پاشایه عائد اولمق اوزره بیان بیوردقلری :

مستقیم اول حضرت الله اوتاندر من سی

مصراعنی حاوی بولان تخمینی وکذلک ضیا پاشایه عائد اولان :
استقامت محض جنتدر بوملک وملت

حصراعنی حاوی بولان معشرینی بربری آرقه سی صره عیناً یازدقدن صکره
سعید پاشا مرحومک ایکنجی برائری اولان :

سویلین بیلمز بیلن لب تشنه ودخوندر

بونه ایش یارب بونه حکمت بونه قانوندر

بیتنی حاوی معشرینی دخی بالتحریر حقیقه ولی خصلت اولان پاشای مشارالیهک حائر اولدینی حمیت و فطرط استقامت نه اکر بر ذره سی سائر مأمورین دولته بولمش اولسه یدی شمیدی باشمزه بوفلاکت کلیه جکی کبی بوکونکی کونده ترقی ملک وملت پک عالی بر طبقه یی بوله جقدی .
اوقیل بعض خارقه استقامت وحمیتدن بر مقدار بحث ایده جکزر .

استطراد

بن شو بالاده کی نظر لری اکمال ایدرک دیار بکری سعید پاشا
مرحومک :

مستقیم اول حضرت الله اوتاندر من سنی

مع اعنی حاوی منظومه حیت پیراسنی یازده جقم صروده ایدی که ۱۶ اگستوس
سنه ۳۳۶ تاریخلی و ۲۹۰۰ نومرولی محترم علمدار غزته سنی موزع
کتیردی. مذکور شمس یازمه بی براز صکره یه براقه زق غزته بی اوقومغه
باشلادم اوچنجی صحیفه سنک باش طرفنده بیوک یازی ایاه :

شایان دقت بر محاکمه

سابق ناظر لرله عدلیه مستشارینک محاکمه سی

سر لوحه سی تحتند تمام سکز ستونی احتوا ایدن بر محاکمه بی
کوروب اوقودم. اوقودتجه غرابت و تأثیرم آرتدی زرده یازاجقم دلخونانه
منظومه لرك نتایج حکمیاته و خصوصیه سعید پاشا مرحومک :

سویلین بیلمز ... (الح)

نقراتی حاوی معشر حیت مندان سنک مزایا و مضمونه تمامیه موافق
و مجموعه مزك اتخاذ ایلدیکی تاریخی مسدکه مطابق بر وثیقه تاریخیه
اولدیغندن استطراد صورتیه مذکور محاکمه اوراقی عبرتنامی کائنات
اولق و بالخاصه اوقاف اسلامیه حقنده عالمی حیرتده براقه جق صورتده
مجموعه مک نسخ متعددده سنده یازدیغم مقاله لر و بالخاصه ۲۰ نجی نسخه دم
استانبولک ییقلقمقدمه اولان چشمه لری و آقمان اوقاف صولری حقنده
حسبه الله صدر اسبق حضرتلرینه تقدیم ایلدیکم وجدانسامه بی نشر
ایتمش و بر نتیجه کور تمامسی اوزرینه ینه جانب صدارت عظمایه ایکنجی
بر وجدانسامه تقدیم ایدرک بو حاللر غدر ملکی موجب اولدیغندن
وجیه تاریخیه نامنه اوقافک پک دلخراش احوال متأثره سنک تعدادیله

باب عالی بی انظار امته فارشی پڑوتستو ایدرک ۲۱ نومرولی مجموعه مله
لازمکلان ایضاحاتی اعطا وایضاح ایتمش ایدم . ینه برنتیجه حاصل
اولامسنه بناءً ۲۲ نجی نومرولو مجموعه مده دها واضح ودلخراش
ایضاحاتده بولنمش ایسه مده ینه آدیران اولامش ایدی . ایشک ارقه سنی
براقیوب ۲۳ نجی نسخه ده ینه تذبذب اوقافه دائر ایضاحاته دوام ایتمش
وبونلرک هیچ بریسنک برنتیجه حاصل ایتماسی اوزربنه بومؤسف
احوالدن بحث ایدرک بوکره مجلس مبعوثانه مراجعت ایلدم وبوبابده کی
تفصیلاتی ده ۲۶ نجی نسخه ده یازمش ایدم . حمیت وطن نامنه بوقدر
مراجعترل و فریاد واینلر اجرا ایتدیکم حالدیه هیچ برنتیجه عمرانکارانه
ظهور ایتماسنک اسباب وحکمتی آکلاشلق اوزره صورت محاکمه نک
وآندن صکره ده عینیه بوجاللرک من القدیم مفسری دینک اولان
منظومه لرک تحریری مناسب کوردم .

علمدار غزته سندن عیناً نقل اولان عبرت نما صورت محاکمه :

شایان دقت بر محاکمه

سابق ناظر لرله عدلیه مستشارینک محاکمه سی

اولکی کون در سعادت بدایت ایکنجی جزا محکمه سنده عدلیه
مستشاری سعید ملا بک افندی طرفدن سابق بحریه ناظری قره سعید
پاشا ایله مالیه ناظر سابق رشاد بک علیهنده اقامه اولان ذم وقدر
دعواسی رؤیت اولمنسدر .

مدعی شخصی موقعنده سعید ملا بک حاضر بونندقنری کی
مظنون موقعنده ده قره سعید پاشا ایله رشاد بک حاضر بولنیوردی .
سعید ملا بک بالذات حقوقی مدافعه ایلوب مظنونلرک مدافعه سنی
سعدالدین فرید بک در عهنده ایشیدی . هیئت محاکمه ایکنجی جزا
رئیس عزیز بکه اعضادن برهان واعضا ملازمی وهی بکلردن متشکل